

मार्निंग डोगरी न्यूज़ बुलेटिन, समे. **09-20** Hrs

<><><><><><>

Headlines

- मुख्यमंत्री उमर अब्दुल्ला होर अज्ज विधानसभा च 2025—26 दा बजट पेश करगन।
- मुख्यमंत्री होरें अपने सारे वायदे गी 5 ब'रे च पूरा करने दी वचनबद्धता गी दोहराया।
- आर्थिक सर्वेक्षण मूजब पिछले 4 ब'रे च जम्मू च कश्मीर थमां मते सैलानी आए। घाटी च विदेशी सैलानिएं दी गिनतरी च 300 फीसद दा इजाफा।
- उपराज्यपाल मनोज सिन्हा होरें श्री माता वैष्णो देवी श्राईन बोर्ड दी 74मीं बैठक दी अध्यक्षता कीती। उनें दर्शनी ड्योढी, बाणगंगा ते अद्ध कवारी थाहर श्रद्धालुएं लेई केई सुविधा दी शुरूआत कीती।
- जम्मू कश्मीर च आईडब्ल्यूआई दे सैहयोग कन्नै रिवर क्रूज सैलसफा गी बढ़ावा दित्ता जाग।

<><><><><><>

Omar Budget

मुख्यमंत्री उमर अब्दुल्ला होर जेहड़े के जम्मू कश्मीर दे खजाना मंत्री बी हैन, माली ब'रे 2025—26 लेई अज्ज विधानसभा च बजट पेश करगन। गोरतलब ऐ जे जम्मू कश्मीर विधानसभा दा बजट इजलास 7एं ब'रें परेंत त्रै मार्च थमां जम्मू च चला'रदा ऐ। बजट इजलास दी शुरूआत सोमवार त्रै मार्च गी उपराज्यपाल हुंदे संबोधन कन्नै होई ही। इस बारे होर जानकारी साढ़े जम्मू संवाददाता कोला.....

<><><><><><>

CM-Commitment

मुख्यमंत्री उमर अब्दुल्ला होरें अपनी पार्टी दे चुनां घोषणा पत्र च कीते गेदे वायदे गी पूरा करने गीते अपनी वचनबद्धता गी फही पक्का करदे होई आखेआ उे जे उंदे 5एं ब'रें दे शासनकाल दे दरान एह वायदे सरकार दी प्राथमिकताएं च शामिल न ते औंदे ब'रे च बी इनेंगी पूरा करने ते जतन जारी रौंहगन। मुख्यमंत्री होरें एह गल्ल उपराज्यपाल मनोज सिन्हा हुंदे अभिभाषण दे धन्नबाद प्रस्ताह दे परते च विधानसभा च आक्खी।

अपने संबोधन च मुखमन्त्री उमर अब्दुल्ला होरें जन सुरक्षा कनून पर चिंता जाहर करदे होई उनें आखेआ जे इसगी कनून अभियोजन दी थाहर नेई लैनी चाहिदी। मुखमन्त्री होरें इस मौके पर बोलदे होई आखेआ जे उंदी पार्टी जम्मू कश्मीर दा राज्य दा दर्जा बहाल कराने लेई वचनें बज्झी दी ऐ।

<><><><><><>

JK Tourism

जम्मू कश्मीर च हाल दे ब'रें च सैलसफा आले क्षेत्र च बड्डा बदलाव दिखेआ गेआ ऐ। पिछले 4 ब'रें च कश्मीर घाटी च जम्मू दे मकाबले च सैलानिएं दी गिनतरी घट्ट रेई ऐ ते एह कमी 80 फीसदी ऐ। आकाशवाणी जम्मू संवाददाता नै एह जानकारी मुखमन्त्री उमर अब्दुल्ला हुंदे आस्सेआ विधानसभा दे पटल पर रखे गेदे 2024–25 दे आर्थिक सर्वेक्षण दे हवाले नै दित्ती ऐ। एहदे मजूब जम्मू च 2022 च इक करोड़ 60 लख 10 जहार 875 सैलानी आए जिसलै कि कश्मीर च 26 लक्का 72 जहार 449 सैलानी आए। इससै चाल्ली 2023 ते 2024 च जम्मू च इक करोड़ 80 लख 24 जहार 176 सैलानी आए जिसलै कि कश्मीर च 31 लख 55 जहार 835 सैलानी आए। 2024 च जम्मू च 2 करोड़ 91 लख 379 सैलानी आए जिसलै कि कश्मीर च 34 लख 98 जहार 702 सैलानी आए। इंदे च मुख्य दे ते बाहरले मुख्यें दे सैलानी बी शामिल न। कश्मीर च विदेशी सैलानिएं दी आमद दा 2021 थमां 2024 तगर 300 फीसद बाद्धा होआ ऐ। जम्मू च मुख्य भरै थमां मते सैलानी औंदे न जिंदे च श्री माता वैष्णो देवी दी यात्रा पर औने आले श्रद्धालु बी शामिल न।

<><><><><><>

CS-Tourism

मुख्य सचिव अटल डुल्लू होरें सैलसफा मैहकमे दे कम्मकाज दा जायजा लैने आस्तै इक बैठक दी अध्यक्षता कीती। इस बैठक च मैहकमे आस्सेआ कीते जा'रदे बक्ख–बक्ख उपाएं दा मुल्यांकन कीता गेआ। एहदे कननो कन्नी होम स्टे योजना गी होर मजबूत करने दी लोड़ पर बी जोर दित्ता गेआ तां जे जम्मू कश्मीर च सैलसफा गी होर बढ़ावा दित्ता जाई सकै। मुख्य सचिव होरें मैहकमे गी आखेआ जे ओह होम–स्टे योजना दे विकास लेई इक पूरा पराती नीति बनान। मुख्य सचिव होरें अफसरें गी निर्देश दित्ता ऐ जे ओह अगले इक म्हीने च इस बारे दस्तावेज तैआर करन।

<><><><><><>

LG

उपराज्यपाल मनोज सिन्हा होरें राजभवन च श्री माता वैष्णो देवी श्राईन बोर्ड दी 74मीं बैठक दी अध्यक्षता कीती। बैठक च केई महत्वपूर्ण मामलें जिंदे च भैरो जी मंदर गी नमें सिरेया विकसित करना, नमां वैष्णवी भवन कायम करना ते यात्रा दे रस्ते गी चैड़ा करना शामिल हे, पर चर्चा होई।

श्रद्धालुएं दी सुविधाएं च विस्तार, इक्ष्य ऊर्जा गी बढ़ावा देने ते गंदे पानी गी साफ करियै इस्तेमाल करने जोग बनाने सरबंधी सयंत्रें गी बधाने बारे पर फैसले कीते गे। उपराज्यपाल होरें श्रद्धालुएं लेई केई सारी सुविधाएं दी शुरूआत कीती जिंदे च दर्शनी ड्योढी, बाणगंगा ते अद्ध कवारी थाहर श्रद्धालुएं दी रुकने, इंतजार करने ते खड़ोने आली थाहरें पर बधाई गेदी सुविधाएं दी बी शुरूआत शामिल ऐ। बोर्ड नै सहायक इदारें ते श्रद्धालुएं दी सुविधाएं च होर बेह्तरी बारे चर्चा कीती।

<><><><><><>

IWAI JK MOU

रीवर क्रूज सैलसफा गी इक बड़डा बढ़ावा दिंदे होई इनलैंड वाटरपेज अथारिटी ऑफ इंडिया नै जम्मू कश्मीर सरकार दे कन्नै इक सैहमति पत्र पर दस्तखत कीते न। श्रीनगर च चिंतन शिविर दरान कीते गेदे इस समझौते दा मकसद इस खेत्तर च त्रऊं राष्ट्री जलमार्गें पर सैलसफा गी बढ़ावा देना ऐ। उनें त्रै राष्ट्री जलमार्गें च चिनाब दरेया, झेलम दरेया ते रावी दरेया शामिल न। पैहले दे हिस्से दे रूपै च आईडब्ल्यूआई सैलानिएं आस्तै क्रूज दे अनुभव गी बधाने लेई 10 जेटिटये ते जमीनी सुविध्यएं सनें महत्वपूर्ण बुनियादी ढांचे दा विकास करोग। एह पैहलकदमी जम्मू कश्मीर च जलमार्ग सैलसफा आस्तै इक नमें युग दी शुरूआत ऐ।

<><><><><><>

DGP Thana Diwas

जम्मू कश्मीर पुलस दे महानिदेशक नलिन प्रभात होरें मजूदा कर्मिएं दे बेहतर ते कारगर इस्तेमाल करने आली भेठा इक जबरदस्त गैह पुट्टने दी शुरूआत कीती ऐ। अपनी वचनबद्धता गी जाहर करदे होई उनें दस्सेआ जे उनें अपनी निजी सुरक्षा च लग्गे दे 2 तिहाई थमां मते सुरक्षा कर्मिएं च कटौती कीती ऐ। जम्मू च आयोजित थाना दिवस आले कार्यक्रम च बोलदे होई प्रभात होरें बेहतर ढंगै सिर संसाधने दी बंड, पुलस कर्मिएं गी कम्मं लेई बनकदी हौसला हफजाई, भलेआं अज्जै कल्लै दिएं सहूलतें आली तकनालोजी बगैरा दा इस्तेमाल करने बारे गल्ल कीती। उनें जम्मू कश्मीर च बलें दी कार्यप्रणाली च सुधार करने दी सारत दित्ती। उनें गलाया जे रणनीतिक बदलाव ते नजरिया जम्मू कश्मीर च कारकरदगी ते सुरक्षा गी होर बी बेहतर करोग। इस मौके पर बोलदे होई डीजीपी होरें आखेआ.....

<><><><><><>

IGP Meeting

बन्ने दी सुरक्षा सरबंधी तंत्र ते सरिस्ते गी होर मजबूत करने आली भेठा गैह पुट्टदे होई जम्मू जोन दे आईजीपी भीम सेन टूटी होरें इक उच्च स्तरै दी बैठक दी अध्यक्षता कीती। एहदा मकसद बक्ख-बक्ख सुरक्षा अर्जेसिएं बश्कार नेड़मे तालमेल गी बधाना ते खुफिया जानकारीएं दा आदान प्रदान लकीनी करना हा। बैठक दामकसद कारवाइएं सरबंधी तैआरिएं गी बेहतर करना तां जे पैदा होई सकने आली कुसै बी चुनौती कन्नै निबड़ेआ जाई सकै ते बन्ने कन्नै लगदे इलाकें च सुरक्षा तंत्र गी मजबूत कीता जाई सकै। एहदे च बक्ख-बक्ख अर्जेसिएं दे आला अफसरें हिस्सा लैता जे खित्ते च पैदा होई सकने आली ते मजूदा चुनौतिएं दे हल लेई रणनीतिएं गी उजागर कीता। इस बैठक दा मकसद आपूं'चै तालमेल ते सुरक्षा तंत्र गी होर कारगर बनाना हा।

<><><><><><><>

DC Udhampur

उधमपुर दिया जिला विकास आयुक्त सलोनी राय होरें बक्ख-बक्ख सरकारी स्कीमें जियां प्रधानमंत्री सूर्य घर मुफ्त बिजली योजना, सुविधा स्कीम, प्रधानमंत्री आवास योजना ते होरने दुइएं स्कीमें दे लाह गी उजागर कीता। इक प्रेस कांफ्रेंस गी संबोधत करदे होई उनें जिले दे लोकें गी अपील कीती जे ओह अगगे आइयै इनें सरकारी स्कीमें थमां लाह ठोआन ते अपने जीवन स्तर गी बेहतर करन। उनें आखेआ.....

<><><><><><><>

Annoncement

आकाशवाणी जम्मू दे क्षेत्रीय समाचार एकांश आसेआ कठुआ जिले लेई अंशकालिक संवाददाता यानि पीटीसी लेई दरखास्तां मंगियां गेइयां न। इच्छुक आवेदक जेहदी उमर 24 थमां 50 ब'रें दे बश्कार ऐ ते ओह कठुआ जिले दा रौहने आह्ला ऐ, इस लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रैजुएशन ते पत्रकारिता च 2 ब'रें दा तजुर्बा होना लोड़चदा ऐ। मेदवार गी कम्प्यूटर पर खबर बनाने ते मीडिया कवरेज दे अनुभव सने सरबंधत लोड़चदे उपकरणें वगैरा दा इस्तेमाल करना बी औना चाईदा। आवेदक जिला सदर दफ्तर दी 10 किलोमीटर दी हद्द दे अंदर-अंदर रौहदा होना चाईदा ऐ। दरखास्त ते लोड़चदे दस्तावेजें दी कॉपी मेदवार गी क्षेत्रीय समाचार एकांश आकाशवाणी पंजतीर्थी पिन कोड 180001 उप्पर 07 मार्च 2025 थवां पैहले-पैहले आइए दस्ती जमा करोआनी होग। इस बारै व्यापक जानकारी आकाशवाणी दी वेबसाइट www.newsonair.gov.in पर उपलब्ध ऐ।

<><><><><><><>